

SCRIPT OF MORNING GOJRI NEWS BULLETIN 20OCT 1015 HRS

مارننگ گو جری نیوز بلیٹن مورخہ 20 اکتوبر 2025

یوہ آکا شوانی جموں ہے عبدالرحمان تیں خبر سُنو۔

PM SWADESHI

وزیر اعظم نریندر مودی نے تہواراں گا اس موسم مانہہ اپنا ملک غے اندر تیار کی گئی اشیاء نانہہ خریدن غو کہیو ہے تے 140 کروڑ بھارتیاں غی سخت محنت نانہہ تہواری موسم گا طور ور منان ور زور پایو ہے جناب مودی نے شہریاں نے اس تہواری موسم مانہہ کی گئی خرید نانہہ سوشل میڈیا ور سانجا کرن بارے وی کہیو ہے جس نال باقی لوکاں نانہہ وی ایسو کرن غی ترغیب ملے غی مائی گوو انڈیا ور ایک پیغام غو جواب دیتاں مانہہ جناب مودی نے بھارت غے اندر تیار کی گئی اشیاء نانہہ خریدن ور زور پایو تے کہیو کہ گروسے کہو یے سودیشی ہے وزیر اعظم غی یاہ اپیل قومی سطح ور مقامی صنعت کاراں تے دست کاراں نانہہ مزید باختیار بنان تے معاشی مضبوطی خاطر چلائی گئی تحریک غے پیش نظر کی گئی ہے اس قدم، غی حوصلہ افزائی خاطر مائی گوو انڈیا نے ایک خصوصی مہم غی شروعات کی ہے جس یعنی دیوالی مناؤ تے **celebrate diwali & empower swadeshi** غو موضوع سودیشی نانہہ بادو دیو، اس مہم غے تحت شہریاں نانہہ صرف سودیشی اشیاء خریدن غی قسم لین وستے دعوت دتی گئی ہے اس ایپ ور وزیر اعظم نے قوم نانہہ مقامی اشیاء بارے بولن غو کہیو ہندوستانی تحریک آزادی غی سودیشی تحریک نے حالیہ براں مانہہ دوبارہ خود مختار بھارت یا آتم نربھر بھارت اقدام گا ایک اہم ستون غا طور ور متعارف ہوئی ہے ملک غے اندر تیار کی گئی اشیاء ناہ بادو دین نال مقامی معشیت نانہہ فائدہ حاصل وے غو تے روزگار مانہہ بادا غے نال نال درآمدات ور دار مداد کٹے غو۔

DIWALI FESTIVAL

روشنیاں غو تہوار دیوالی اج پورا ملک مانہہ برا جوش و خروش تے روایتی انداز نال مناو جارہیو ہے یوہ تہوار بُرائی ور اچھائی غی جیت غو تہوار ہے تے اس روز گھراں مندران تے دیگر عوامی جگہاں ور روشنی جلا غے اس تہوار نانہہ مناو جے اس موقعہ ور لکشمی دیوی غی پوجا کی جے بکھ بکھ شہراں تے گلیاں غے اندر رنگا رنگ روشنی غا انتظام کی اجنیں قومی راجدھانی دہلی مانہہ وی بڑی تعداد مانہہ لوگ دیوالی غو تہوار منان خاطر بازاراں وچوں سودیشی سامان خریدتا دیکھیا گیا تہوار خاطر دہلی پولیس نے شہر غے اندر سخت حفاظتی انتظام کیا ہیں دہلی غا تمام بڑا ہسپتالاں غے اندر جلن نال ہون آلا زخماں غا علاج وستے انتظام کیا گیا ہیں اس تیں علاوہ دہلی غے اندر آگ غی وارداتاں نال نیڑن آلا محکمہ نے 41 بکھ بکھ مقامات ور فائر بریگیڈ غی گڈیاں غے نال نال 24 فوری طور ور کام آن آلی گڈی وی تیار رکھی ہیں تاکہ آگ لگن غی کسے وی واردات نال نیڑو جاسکے۔ اسے طرح ملک گا باقی حصاں غی طرح جموں کشمیر غے اندر وی دیوالی غو تہوار برا جوش و خروش نال مناو جارہیو ہے۔

DIWALI GREETINGS

صدر جمہوریہ درویدی مرمو نے نائب صدر جمہوریہ سی پی رادھا کرشنن نے قوم ناہ دیوالی غا تہوار غی مبارک باد پیش کی ہے صدر جمہوریہ نے پان ایک پیغام ماتہ کہی و کہ دیوالی بھارت غو ایک اہم تہوار ہے تے برا جوش و خروش نال منایو جے اُنہاں نے مزید کہیو کہ یوہ تہوار اندھیرا ور روشنی لاعلمی ور علم تے بُرائی ور اچھائی غی جیت نناہ پیش کرے صدر جمہوریہ نے مزید کہیو کہ یوہ تہوار آپسی بھائی چارہ تے محبت گو پیغام دے اس موقعہ ور صد جمہوریہ نے اس تہوار ناہ بڑی ذمہ داری نال ماحول دوست طرز ور منان غی اپیل کی ہے اُنہاں نے اُمید ظاہر کی ہے کہ یوہ تہوار خوشی امن تے ترقی غا مزید موقعہ فراہم کرے غو نائب صدر جمہوریہ سی پی رادھا کرشنن نے وی تمام بھارتیہ شہریاں ناہہ دیوالی غی مبارک باد پیش کی ہے اُنہاں نے تمام شہریاں ناہہ ملک غی مجموعی ترقی خاطر مثبت سوچ تے دھرم ناہ اپنان غو کہیو نائب صدر جمہوریہ نے لکشمی دیوی غی پوجا کی تے ملک غا ہر شہری وستے امن تری تے خوش حالی غی دعا کی وزیر اعظم نریندر مودی نے وی پوری قوم غے اندر مثبت نظریہ وستے دعا کی لوک سبھا سپیکر اوم برلا نے وی قوم ناہہ دیوالی گا تہوار غی مبارک باد پیش کی ہے تے آئندہ گورددھن پوجا تے بھائی دوج تہواراں وستے وی نیک خواہشات گو اظہار کیو ہے جناب برلا نے کہی و کہ دیوالی غو تہوار بھارتیہ ثقافت تے روایت غی روض قرار دتو جناب برلا نے تمام شہریاں ناہہ آپسی بھائی چارہ بھروسہ سماجی تے برابری ناہہ قائم رکھن غی اپیل کی ہے۔

LG GREETINGS

لیفٹیننٹ گورنر منوج سنہا نے عوام ناہہ دیوالی اگ تہوار غی مبارک باد پیش کی ہے اپنا پیغام ماتہ ایل جی موصوف نے کہیو کہ یوہ تہوار ہم سب ناہہ ترقی تے خوشحالی آلا رستہ ور گامزن کرے اُنہاں نے کہی و کہ یوہ تہوار لاعلمی ور علم غی جیت غو تہوار ہے۔

LG LORD BUDDHA

لیفٹیننٹ گورنر منوج سنہا بھارت غا وفد غی قیادت کرتا واں گزشتہ روز کالمیکیا روس تیں بدھ مت غا مقدس باقیات غے نال وطن واپس روانہ ہوا ہیں یہ باقیات 11 تیں 18 اکتوبر توڑی کالمیکیا ماتہ نمائس واسطے رکھیا گیا تھا اس نمائس گو مقصد بھارت تے روش غے بشکار عوامی تعلقات ناہہ مضبوط بنانو تے مشترکہ بدھ مت Golden abode of buddha ورثہ غو جشن منانو تھو مرکزی مندر ماتہ منعقدہ تقریب غے دوران ایل جی موصوف نے کہیو کہ اگر چہ shakyamuni باقیات واپس بھارت جارہیا ہیں لیکن بدھ غو پیغام کالمیکیا ماتہ ہمیشہ روحانی روشنی بن غے رے غو اُنہاں نے کہیو کہ اس ہفتہ غی نمائس نے روحانی رشتہ ناہہ مزید مضبوط کیو ہے تے بدھ غا اصول آئندہ نسلان واسطے امن تے رہنمائی غو ذریعو ریں غی ایل جی نے اپنا خطاب ماتہ کہیو کہ بھارت تے روش غے بشکار ثقافتی تے روحانی تعلقات ماری اولین ترجیح ہے اُنہاں نے مزید کہیو کہ آج غی تیز رفتار زندگی ماتہ بدھ غو پیغام انسانیت واسطے چراغ راہ ہے۔

CM GREETINGS

وزیر اعلیٰ عمر عبداللہ نے شیخ العالم جنہاں نانہہ شیخ نورو الدین نورانی غا ناں تیں وی جانیو جے غا سالانہ عرس گا منوقور وزیر نے عوام نانہہ دلی مبارک باد پیش کی اُنہاں نے کہیو کہ شیخ نورو الدین نورانی غو پیگام اج وی اتنو ہی اہمہے جتنو پہلاں تھو ویزر اعلیٰ نے اُنہاں نانہہ فرقہ وارانہ ہم آہنگی اتحاد تے روحانی روشنی غی علامت قرار دتو جنغی تعلیمات تمام مذاہب غ لوکاں نانہہ متاثر کرے اُنہاں نے کہیو کہ نند رشی نانہہ امن محبت تے عقیدت غی علامت غا طورور منیو جے جناب عمر عبداللہ نے دعا کی کہ جموں کشمیر ماتہ امن خوشحالی تے بھائی چارو قائم رے تے عوام شیخ نورالدین نورانی غا دسیا وارسہ ہمدردی سادگی تے برداشت ور چلیں۔

SAKINA GREETINGS

صحت تے طبی تعلیم غی وزیر سکینہ اتو نے حضرت شیخ نورالدین نورانی غا سالانہ عرس غا موقعہ ور مبارک باد پیش کی ہے۔
